0.0.1 devadaha suttam

- 1. evam me sutam: ekam samayam bhagavā sakkesu viharati devadaham nāma sakyānam nigamo. tatra kho bhagavā bhikkhū āmantesi bhikkhavo'ti. bhadanteti te bhikkhū bhagavato paccassosum. bhagavā etadavoca:
- 2. santi bhikkhave, eke samaṇabrāhmaṇā evaṃ vādino evaṃ diṭṭhino: 'yaṅkiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ pubbekatahetu. iti purāṇānaṃ kammānaṃ tapasā vyantībhāvā¹ navānaṃ kammānaṃ akaraṇā āyatiṃ anavassavo āyatiṃ anavassavā kammakkhayo kammakkhayā dukkhakhayo dukkhakhayā vedanākkhayo vedanākkhayā sabbaṃ dukkhaṃ nijjiṇṇaṃ bhavissatī'ti evaṃvādino bhikkhave nigaṇṭhā².
- 3. evam vādāham bhikkhave, niganthe upasankamitvā evam vadāmi: saccam kira tumhe āvuso niganthā evamvādino evamditthino 'yankincāyam purisapuggalo patisamvedeti sukham vā dukkham vā adukkhamasukham vā, sabbam tam pubbekatahetu. iti purānānam kammānam tapasā vyantībhāvā navānam kammānam akaranā āyatim anavassavo āyatim anavassavā kammakkhayo kammakkhayā dukkhakkhayo dukkhakkhayā vedanākkhayo vedanākkhayā sabbam dukkham nijjinnam bhavissatī'ti.

¹byantībhāvā - machasam, byantibhāvā - syā.

²niganthā - syā.

- **4.** te ce me bhikkhave, nigaṇṭhā evaṃ puṭṭhā āmāti paṭijānanti: tyāhaṃ evaṃ vadāmi: 'kiṃ pana tumhe āvuso nigaṇṭhā, jānātha. ahuvamheva mayaṃ pubbe, na nāhuvamhā'ti.
- 5. no hidam āvuso
- **6.** kiṃ pana tumhe āvuso niganṭhā, jānātha: akaramheva mayaṃ pubbe pāpaṃ kammaṃ na nākaramhā'ti.
- 7. no hidam āvuso
- 8. kim pana tumhe āvuso nigaņṭhā jānātha evarūpam vā pāpam kammam akaramhā'ti.
- 9. no hidam āvuso
- 10. kim pana tumhe āvuso nigaņţhā, jānātha: ettakam vā dukkham nijjinnam, ettakam vā dukkham nijjiretabbam³ ettakamhi vā dukkhe nijjinne sabbam dukkham nijjinnam bhavissatī'ti.
- 11. no hidam āvuso
- **12.** kiṃ pana tumhe āvuso nigaṇṭhā, jānātha: diṭṭheva dhamme akusalānaṃ dhammānaṃ pahānaṃ kusalānaṃ dhammānaṃ upasampada'nti.

³nijjiretabbam - machasam.

13. no hidam āvuso

iti kira tumhe āvuso niganthā, na jānātha: 'ahuvamheva mayam pubbe na nāhuvamhā'ti. na jānātha 'akaramheva mayam pubbe pāpam kammam na nākaramhā'ti. na jānātha, 'evarūpam vā evarūpam vā pāpam kammam akaramhā'ti, na jānātha 'ettakam vā dukkham nijjinnam, ettakam vā dukkham nijjiretabbam, ettakamhi vā dukkhe nijjinne sabbam dukkham nijjinnam bhavissatī'ti. na jānātha: dittheva dhamme akusalānam dhammānam pahānam, kusalānam dhammānam upasampadam. evam sante āyasmantānam niganthānam na kallamassa veyyākaranāya: "yaṅkiñcāyam purisapuggalo patisamvedeti, sukham vā dukkham vā adukkhamasukham vā sabbam tam pubbe katahetu. iti purananam kammanam tapasa vyantibhāvā navānam kammānam akaranā āvatim anavassavo āyatim anavassavā kammakkhayo kammakkhayā dukkhakkhayo dukkhakkhaya vedanākkhayo vedanākkhavā sabbam dukkham nijjinnam bhavissatī"ti.

15. sace⁴ tumbhe āvuso nigaṇṭhā, jāneyyātha ahuvamheva mayaṃ pubbe na nāhuvamhā'ti. jāneyyātha akaramheva mayaṃ pubbe pāpaṃ kammaṃ na nākaramhā'ti. jāneyyātha 'evarūpaṃ vā evarūpaṃ vā pāpaṃ kammaṃ akaramhā'ti, jāneyyātha 'ettakaṃ vā dukkhaṃ nijjiṇṇaṃ ettakaṃ vā dukkhaṃ nijjiṇne sabbaṃ dukkhaṃ nijjiṇne

⁴sace pana-sīmu, machasam, syā.

nam bhavissatī'ti. jāneyyātha 'diṭṭheva dhamme aku-salānam dhammānam pahānam kusalānam dhammānam upasampadam, evam sante āyasmantānam nigan-ṭhānam kallamassa veyyākaranāya: "yaṅkiñcāyam purisapuggalo paṭisamvedeti sukham vā dukkham vā adukkhamasukham vā sabbam tam pubbekatahetu. iti purāṇānam kammānam tapasā vyantībhāvā navānam kammānam akaraṇā āyatim anavassavo āyatim anavassavā kammakkhayo kammakkhayā dukkhakhayo dukkhakkhayā vedanākkhayo vedanākkhayā sabbam dukkham nijjiṇṇam bhavissatī"ti.

16. seyyathāpi āvuso niganthā, puriso sallena viddho assa savisena galhūpalepanena, so sallassapi vedanāhetu⁵ dukkhā tippā katukā vedanā vediyeyya. tassa mittāmaccā ñātisālohitā bhisakkam sallakattam upatthāpeyyum. tassa so bhisakko sallakatto satthena vanamukham parikanteyya. so satthenapi vanamukhassa parikantanahetu dukkhā tippā katukā vedanā vediveyva. tassa so bhisakko sallakatto esanivā sallam esevva. so esaniyāpi sallassa esanā hetu dukkhā tippā katukā vedanā vediyeyya, tassa so bhisakko sallakatto sallam abbaheyya⁶. so sallassapi abbahanahetu⁷ dukkhā tippā katukā vedanā vediyeyya. tassa so bhisakko sallakatto agadangāram vanamukhe odaheyya. so agadangārassapi vanamukhe odahanahetu dukkhā tippā katukā vedanā vediyeyya. so aparena samayena rūlhena va-

 5 vedanahetu - syā

⁶abbhunheyya - syā abbyaheyya - pts

⁷abbhunhanahetu - syā, abbyahanahetu - pts

nena sañchavinā arogo assa sukhī serī sayamvasī yena kāmangamo. tassa evamassa: 'aham kho pubbe sallena viddho ahosim savisena gālhūpalepanena. so'ham sallassapi vedanāhetu dukkhā tippā katukā vedanā vediyim. tassa me mittāmaccā ñātisālohitā bhisakkam sallakattam upatthāpesum⁸. tassa me so bhisakko sallakatto satthena vanamukham parikanti. so'ham satthenapi⁹ vanamukhassa parikantanahetu dukkhā tippā katukā vedanā vediyim. tassa me so bhisakko sallakatto esanivā sallam esi, so'ham esanivāpi sallassa esanāhetu dukkhā tippā katukā vedanā vedivim. tassa me so bhisakko sallakatto sallam abbahi¹⁰ so'ham sallassāpi abbahanahetu dukkhā tippā katukā vedanā vediyim tassa me so bhisakko sallakatto agadangāram vanamukhe odahi. so'ham agadangārassapi vanamukhe odahanahetu dukkhā tippā katukā vedanā vediyim. so'mhi etarahi rūlhena vanena sañchavinā arogo sukhī serī sayamvasī yena kāmangamo'ti.

17. evameva kho āvuso nigaņṭhā, sace tumhe jāneyyātha ahuvamheva mayam pubbe, na nānuvamhā'ti. jāneyyātha evarūpam vā pāpam kammam akaramhā'ti. jāneyyātha ettakam vā dukkham nijjinnam, ettakam vā dukkham nijjinnam, ettakamhi vā dukkha nijjinna sabbam dukkham nijjinnam bhavissatī'ti. jāneyyātha 'diṭṭheva dhamme akusalānam dhammānam pahānam, kusalānam dhammānam upa-

 8 upaṭṭhapesuṃ - machasaṃ, syā.

⁹sallenapi - pts

¹⁰abbyahi - pts, abbhunhi - syā.

sampadam. evam sante āyasmantānam niganthānam kallamassa veyyākaranāya yankincāyam purisapuggalo patisamvedeti sukham vā dukkham vā adukkhamasukham vā sabbam tam pubbekatahetu: iti purānānam kammānam tapasā vyantībhāvā navānam kammānam akaranā āyatim anavassavo āyatim anavassavā kammakkhayo kammakkhayā dukkhakkhayo dukkhakkhayā vedanākkhayo vedanākkhayā sabbam dukkham nijjinnam bhavissatī'ti.

18. yasmā ca kho tumhe āvuso niganthā, na jānātha 'ahuvamheva mayam pubbe na nāhuvamhā'ti. na jānātha 'akaramheva mayam pubbe pāpam kammam, na nākaramhā'ti. na jānātha 'evarūpam vā evarūpam vā pāpam kammam akaramhā'ti. na jānātha ettakam vā dukkham nijjinnam ettakam vā dukkham nijjiretabbam, ettakamhi vā dukkhe nijjinne sabbam dukkham nijiinnam bhavissatī'ti. na jānātha dittheva dhamme akusalānam dhammānam pahānam kusalānam dhammānam upasampadam. tasmā āyasmantānam niganthānam na kallamassa veyyākaranāya: 'yankiñcāyam purisapuggalo patisamvedeti sukham vā dukkham vā adukkhamasukham vā sabbam tam pubbekatahetu. iti purāṇānam kammānam tapasā vyantībhāvā navānam kammānam akaraņā āyatim anavassavo. āyatim anavassavā kammakkhavo kammakkhavā dukkhakkhavo dukkhakhayā vedanākkhayo vedanākkhayā sabbam dukkham¹¹ nijjinnam bhavissatī'ti.

¹¹sabbam tam dukkham - pts

- 19. evam vutte bhikkhave, te niganthā mam etadavocum: nigantho¹² āvuso, nātaputto¹³ sabbaññū sabbadassāvī aparisesam ñānadassanam patijānāti: 'carato ca me titthato ca suttassa ca jāgarassa ca satatam samitam ñānadassanam paccupatthita'nti. so evamāha: 'atthi kho vo āvuso niganthā, pubbeva pāpam kammam katam, tam imāya katukāya dukkarakārikāya nijjīretha¹⁴. yampanettha etarahi kāyena samvutā vācāva samvutā manasā samvutā, tam āvatim pāpassa kammassa¹⁵ akaranam, iti purānānam kammānam tapasā vyantībhāvā navānam kammānam akaraņā āyatim anavassavo āyatim anavassavā kammakkhayo kammakkhayā dukkhakkhayo dukkhakkhayā vedanākkhayo vedanākkhayā sabbam dukkham nijjinnam bhavissatī'ti. tañca panamhākam ruccati ceva khamati ca. tena camhā attamanā'ti
- 20. evam vutte aham bhikkhave, te niganthe etadavocam: 'pañca kho ime āvuso niganthā, dhammā ditthevadhamme dvidhā vipākā. katame pañca: saddhā ruci anussavo ākāraparivitakko ditthi nijjhānakkhanti. ime kho āvuso niganthā, pañca dhammā dittheva dhamme dvidhā vipākā. tatrāyasmantānam niganthānam kā atītamse satthari saddhā, kā ruci, ko anussavo, ko ākāraparivitakko, kā ditthinijjhānakkhantī'ti. evamvādi kho aham bhikkhave, niganthesu na kiñci saha-

 12 nigantho - syā.

¹³nāṭaputto - machasaṃ, syā.

¹⁴nijjiretha - sīmu, machasam

¹⁵pāpakammassa - machasam.

dhammikam vādapaţihāram¹⁶ samanupassāmi

- 21. punacaparāham bhikkhave, te niganthe evam vadāmi: 'tam kimmañnathāvuso niganthā, yasmim hi vo samaye tibbo upakammo hoti tibbam padhānam, tibbā¹⁷ tasmim samaye opakkamikā dukkhā tippā katukā vedanā vedīyetha. yasmim pana vo samayena na tibbo upakkamo hoti na tibbam padhānam, na tibbā tasmim¹⁸ samaye opakkamikā dukkhā tippā kaṭukā vedanā vedīyethā'ti.
- 22. yasmim no āvuso gotama, samaye tibbo upakkamo hoti tibbam padhānam, tibbā tasmim samaye opakkamikā dukkhā tippā kaṭukā vedanā vediyāma. yasmim pana no samaye na tibbo upakkamo hoti, na tibbam padhānam, na tibbā tasmim samaye opakkamikā dukkhā tippā kaṭukā vedanā vediyamā'ti.
- 23. iti kirāvuso¹⁹ nigaņṭhā, yasmiṃ vo²⁰ samaye tibbo upakkamo hoti tibbaṃ padhānaṃ, tibbā tasmiṃ samaye opakkamikā dukkhā tippā kaṭukā vedanā vediyetha. yasmiṃ pana vo samaye na tibbo upakkamo hoti, na tibbaṃ padhānaṃ, na tibbā tasmiṃ samaye opakkamikā dukkhā tippā kaṭukā vedanā vediyetha. evaṃ sante āyasmantānaṃ nigaṇṭhānaṃ na kallamassa

¹⁶parihāram - machasam, sīmu, syā.

¹⁷tippam,tippā - pts

¹⁸tamhi - pts

¹⁹kira āvuso - sīmu,machasam.

²⁰yasmim vo pana - sīmu.

veyyākaraṇāya: 'yaṅkiñcāyaṃ purisapuggalo paṭisaṃ-vedeti sukhaṃ vā dukkhaṃ vā adukkhamasukhaṃ vā, sabbaṃ taṃ pubbe katahetu. iti purāṇānaṃ kammā-naṃ tapasā vyantībhāvā navānaṃ kammānaṃ akaraṇā āyatiṃ anavassavo āyatiṃ anavassavā kammakkhayo kammakkhayā dukkhakkhayo dukkhakkhayā vedanāk-khayo vedanākkhayā sabbaṃ dukkhaṃ nijjiṇṇaṃ bha-vissatī'ti.

- 24. sace āvuso nigaņṭhā, yasmim vo samaye tibbo upakkamo hoti tibbam padhānam, na tibbā tasmim samaye opakkamikā dukkhā tippā kaṭukā vedanā vediyetha. yasmim pana vo samaye na tibbo upakkamo hoti na tibbam padhānam, tibbā yasmim samaye opakkamikā dukkhā tippā kaṭukā vedanā vediyetha. evam sante āyasmantānam nigaṇṭhānam kallamassa veyyākaraṇāya: 'yaṅkiñcāyam purisapuggalo paṭisamvedeti sukham vā dukkham vā adukkhamasukham vā, sabbam tam pubbekatahetu. iti purāṇānam kammānam tapasā vyantībhāvā navānam kammānam akaraṇā āyatim anavassavo āyatim anavassavā kammakkhayo kammakkhayā dukkhakkhayo dukkhakkhayā vedanākkhayo vedanākkhayā sabbam dukkham nijjiṇṇam bhavissatī'ti.
- 25. yasmā ca kho āvuso nigaņṭhā, yasmim vo samaye tibbo upakkamo hoti tibbam padhānam, tibbā tasmim samaye opakkamikā dukkhā tippā kaṭukā vedanā vediyetha. yasmim pana vo samaye na tibbo upakkamo hoti na tibbam padhānam, na tibbā tasmim samaye opakkamikā dukkhā tippā kaṭukā vedanā vediyetha.

te tumhe sāmaññeva opakkamikā dukkhā tippā kaṭukā vedanā vediyamānā avijjā aññāṇā sammohā vipaccetha: 'yaṅkiñcāyaṃ purisapuggalo paṭisaṃvedeti sukhaṃ vā dukkhaṃ vā adukkhamasukhaṃ vā, sabbaṃ taṃ pubbekatahetu. iti purāṇānaṃ kammānaṃ tapasā vyattībhāvā navānaṃ kammānaṃ akaraṇā āyatiṃ anavassavo. āyatiṃ anavassavā kammakhayo kammakhayā dukkhakhayo dukkhakhayā vedanākhayo vedanākkhayā sabbaṃ dukkhaṃ nijjiṇṇaṃ bhavissatī'ti. evaṃ vādīpi kho ahaṃ bhikkhave, nigaṇṭhesu na kañci²¹ sahadhammikaṃ vādapaṭihāraṃ samanupassāmi.

- **26.** punacaparāham²² bhikkhave, te nigaņṭhe evam vadāmi: 'tam kim maññathāvuso nigaṇṭhā, 'yamidam kammam diṭṭhadhammavedanīyam, tam upakkamena vā padhānena vā samparāyavedanīyam hotū'ti labbhameta'nti.
- 27. no hidam āvuso.
- **28.** yam panidam kammam samparāyavedanīyam, tam upakkamena vā padhānena vā diţţhadhammavedanīyam hotū'ti labbhameta'nti.
- 29. no hidam āvuso.

²¹kiñci - sīmu, pts

²²punacapanāham - pts

- **30.** taṃ kiṃ maññathāvuso nigaṇṭhā, yamidaṃ kammaṃ sukhavedanīyaṃ, taṃ upakkamena vā padhānena vā dukkhavedanīyaṃ hotū'ti labbhameta'nti.
- **31.** no hidam āvuso.
- **32.** yam panidam kammam dukkhavedanīyam, tam upakkamena vā padhānena vā sukhavedanīyam hotū'ti labbhameta'nti.
- 33. no hidam āvuso.
- **34.** taṃ kiṃ mañnathāvuso nigaṇṭhā, yamidaṃ kammaṃ paripakkavedanīyaṃ, taṃ upakkamena vā padhānena vā aparipakkavedanīyaṃ hotū'ti labbhameta'nti.
- 35. no hidam āvuso.
- **36.** yam panidam kammam aparipakkavedanīyam, tam upakkamena vā padhānena vā paripakkavedanīyam hotū'ti labbhameta'nti
- 37. no hidam āvuso.
- **38.** taṃ kiṃ mañnathāvuso nigaṇṭhā, 'yamidaṃ kammaṃ bahuvedanīyaṃ, taṃ upakkamena vā padhānena vā 'appavedanīyam hotū'ti labbhameta'nti.

- 39. no hidam āvuso.
- **40.** yam panidam kammam appavedanīyam, tam upakkamena vā padhānena vā 'bahuvedanīyam hotū'ti labbhameta'nti.
- 41. no hidam āvuso.
- **42.** taṃ kiṃ maññathāvuso nigaṇṭhā, 'yamidaṃ kammaṃ vedanīyaṃ taṃ upakkamena vā padhānena vā 'avedanīyaṃ hotū'ti labbhameta'nti.
- 43. no hidam āvuso.
- **44.** yam panidam kammam avedanīyam, tam upakkamena vā padhānena vā vedanīyam hotū'ti labbhametanti.
- 45. no hidam āvuso.
- **46.** iti kirāvuso nigaņṭhā, yamidaṃ kammaṃ diṭṭhadhammavedanīyaṃ taṃ upakkamena vā padhānena vā 'samparāyavedanīyaṃ hotū'ti alabbhametaṃ. yamidaṃ²³ kammaṃ samparāyavedanīyaṃ, taṃ upakkamena vā padhānena vā 'diṭṭhadhammavedanīyaṃ

²³yam panidam - sīmu, machasam.

hotū'ti alabbhametam. yamidam kammam sukhavedanīyam, tam upakkamena vā padhānena vā 'dukkhavedanīvam hotū'ti alabbhametam, vamidam kammam dukkhavedanīyam, tam upakkamena vā padhānena vā sukhavedanīyam hotū'ti alabbhametam. yamidam kammam paripakkavedanīvam, tam upakkamena vā padhānena vā aparipikkavedanīvam hotū'ti alabbhametam, vamidam kammam aparipakkavedanīvam, tam upakkamena vā padhānena vā 'paripakkavedanīyam hotū'ti alabbhametam. vamidam kammam bahuvedanīvam, tam upakkamena vā padhānena vā appavedanīyam hotū'ti. yamidam kammam appavedanīyam, tam upakkamena vā padhāne vā bahuvedanīyam hotū'ti alabbhametam. yamidam kammam vedanīyam, tam upakkamena vā padhānena vā avedanīvam hotū'ti alabbhametam. vamidam kammam avedanīyam, tam upakkamena vā padhānena vā vedanīyam hotū'ti alabbhametam. evam sante āyasmantānam niganthānam aphalo upakkamo hoti aphalam padhānam. evamvādi bhikkhave, niganthā evamvādīnam bhikkhave niganthānam dasa sahadhammikā vādānuvādā gārayham thānam²⁴ āgacchanti.

47. sace bhikkhave sattā pubbekatahetu sukhadukkham patisamvedenti, addhā bhikkhave, niganthā pubbe dukkatakammakārino, yam etarahi evarūpā dukkhā tippā katukā vedanā vediyanti. sace bhikkhave, sattā issaranimmānahetu sukhadukkham patisamvedenti, addhā bhikkhave, niganthā pāpakena issarena nimmitā,

²⁴gāravhatthānam - svā.

yam etarahi evarūpā dukkhā tippā kaṭukā vedanā vediyanti. sace bhikkhave sattā saṅgatibhāvahetu sukhadukkham paṭisaṃvedenti, addhā bhikkhave nigaṇṭhā pāpasaṅgatikā, yam etarahi evarūpā dukkhā tippā kaṭukā vedanā vediyanti. sace bhikkhave, sattā abhijātihetu sukhadukkham paṭisaṃvedenti, addhā bhikkhave,nigaṇṭhā pāpābhijātikā, yam etarahi evarūpā dukkhā tippā kaṭukā vedanā vediyanti. sace bhikkhave, sattā diṭṭhadhammūpakkamahetu sukhadukkham paṭisaṃvedenti, addhā bhikkhave, nigaṇṭhā pāpadiṭṭhadhammūpakkamā²⁵. yam etarahi evarūpā dukkhā tippā kaṭukā vedanā vediyanti.

sace bhikkhave, sattā pubbekatahetu sukhadukkham patisamvedenti gārayhā niganthā. no ce sattā pubbekatahetu sukhadukkham patisamvedenti, gārayhā niganthā. sace bhikkhave, sattā issaranimmānahetu sukhadukkham patisamvedenti, gārayhā niganthā. no ce sattā issaranimmānahetu sukhadukkham patisamvedenti, gārayhā niganthā. sace bhikkhave, sattā sangatibhāvahetu sukhadukkham patisamvedenti, gārayhā sace bhikkhave sattā abhijātihetu sukhaniganthā. dukkham paţisamvedenti, gārayhā niganţhā. no ce sattā abhijātihetu sukhadukkham patisamvedenti, gārayhā niganthā. sace bhikkhave sattā ditthadhammūpakkamahetu sukhadukkham patisamvedenti, gārayhā niganthā. no ce sattā ditthadhammūpakkamahetu sukhadukkham patisamvedenti, gārayhā niganthā. evamvādī bhikkhave niganthā, evamvādīnam bhikkhave,

²⁵evarūpā diṭṭhadhammupakkamā - sīmu, machasam.

nigaṇṭhānaṃ ime dasa sahadhammikā vādānuvādā gārayhaṃ ṭhānaṃ āgacchanti. evaṃ kho bhikkhave, aphalo upakkamo hoti aphalaṃ padhānaṃ.

- 49. kathañca bhikkhave, saphalo upakkamo hoti saphalam padhānam, idha bhikkhave, bhikkhu na heva anaddhabhūtam attānam dukkhena addhabhāveti dhammikañca sukham na pariccajati. tasmiñca sukhe anadhimucchito²⁶ hoti so evam pajānāti: imassa kho me dukkhanidānassa sankhāram padahato sankhārappadhānā virāgo hoti. imassa pana me dukkhanidānassa ajjhupekkhato upekkham²⁷ bhāvayato virāgo hotīti. so yassa hi khvāssa²⁸ dukkhanidānassa sankhāram padahato sankhārappadhānā virāgo hoti. sankhāram tattha padahati. yassa panassa²⁹ dukkhanidanassa ajjhupekkhato upekkham bhāvayato virāgo hoti. upekkham tattha bhāveti. tassa tassa dukkhanidānassa sankhāram padahato sankhārappadhānā virāgo hoti. evampissa tam dukkham nijjinnam hoti. tassa tassa dukkhanidānassa ajjhupekkhato upekkham bhāvayato virāgo hoti. evampissa tam dukkham nijjinnam hoti.
- **50.** seyyathāpi bhikkhave puriso itthiyā sāratto paṭibaddhacitto tibbacchando tibbāpekkho³⁰. so taṃ itthiṃ passeyya aññena purisena saddhiṃ santiṭṭhan-

²⁸yassa hi khopanassa - sīmu, yassa khavāssa- pts.

²⁶anadhimucchite - pts.

²⁷upekham - pts.

²⁹yassa hī khavāssa - sīmu.

³⁰tibbāpekho - pts.

tim sallapantim sañjagghantim samhasantim. tam kim maññatha bhikkhave, api nu tassa purisassa amum itthim disvā aññena purisena saddhim santitthantim sallapantim sañjagghantim samhasantim uppajjeyyum sokaparidevadukkhadomanassupāyāsāti.

- evam bhante. 51.
- 52. tam kissa hetu?
- 53. asu hi³¹ bhante, puriso amussā itthiyā sāratto patibaddhacitto tibbacchando tibbapekkho. tasmā tam itthim disvā aññena purisena saddhim santitthantim sallapantim sañjagghantim samhasantim uppajjeyyum sokaparidevadukkhadomanassupāvāsāti.
- atha kho bhikkhave, tassa purisassa evamassa: aham kho amussā itthiyā sāratto patibaddhacitto tibbacchando tibbāpekkho. tassa me amum itthim disvā aññena purisena saddhim santitthantim sallapantim sañjagghantim samhasantim uppajjanti sokaparidevadukkhadomanassupāyāsā. yannūnāham so me amussā itthiyā chandarāgo tam pajaheyya'nti. so yo amussā itthiyā chandarāgo tam pajaheyya, so tam itthim passevya aparena samayena aññena purisena saddhim santitthantim sallapantim sañjagghantim samhasantim. tam kim maññatha bhikkhave api nu tassa purisassa amum itthim disvā aññena purisena saddhim

³¹amuhi - pts.

santiţţhantim sallapantim sanjagghantim samhasantim uppajjeyyum sokaparidevadukkhadomanassupāyāsāti.

- 55. no hetam bhante.
- 56. tam kissa hetu?
- **57.** asu hi bhante, puriso amussā itthiyā vītarāgo, tasmā tam itthim disvā aññena purisena saddhim santiţthantim sallapantim sañjagghantim samhasantim na uppajjeyyum sokaparidevadukkhadomanassupāyāsāti.
- 58. evameva kho bhikkhave, bhikkhu na heva³² anaddhabhūtam attānam dukkhena addhabhāveti, dhammikañca sukham na pariccajati, tasmiñca sukhe anadhimucchito hoti. so evam pajānāti: 'imassa kho me dukkhanidānassa sankhāram padahato sankhārappadhānā virāgo hoti. imassa pana me dukkhanidānassa ajjhupekkhato upekkham bhāvayato virāgo hotī'ti. so yassa khvāssa dukkhanidānassa sankhāram padahato sankhārappadhānā virāgo hoti. sankhāram tattha padahati. yassa panassa dukkhanidānassa ajjhupekkhato upekkham bhāvayato virāgo hoti. upekkham tattha bhāveti. tassa tassa dukkhanidānassa sankhāram padahato sankhārappadhānā virāgo hoti. evampissa tam dukkham nijjinnam hoti. tassa tassa dukkhanidānassa

³²bhikkhave naheva - pts.

ajjhupekkhato upekkham bhavayato virago hoti. evampissa tam dukkham³³ nijjinnam hoti. evampi bhikkhave saphalo upakkamo hoti, saphalam padhānam.

- 59. puna ca param bhikkhave bhikkhu iti patisañcikkhati: 'yathāsukham kho me viharato akusalā dhammā abhiyaddhanti, kusalā dhammā parihāyanti. dukkhāya pana me attānam padahato akusalā dhammā parihāyanti. kusalā dhammā abhivaddhanti yannūnāham dukkhāya attānam padaheyya'nti. so dukkhāya attānam padahati. tassa dukkhāya attānam padahato akusalā dhammā parihāyanti. kusalā dhammā abhivaddhanti. so na aparena samayena dukkhāya attānam padahati. tam kissa hetu: yassa hi so bhikkhave, bhikkhu atthava dukkhava attanam padahevva, svassa attho abhinipphanno hoti. tasmā na aparena samayena dukkhāva attānam padahati.
- seyyathāpi bhikkhave, usukāro tejanam dvīsu alātesu ātāpeti paritāpeti ujum karoti kammaniyam. yato kho bhikkhave, usukārassa tejanam dvīsu alātesu ātāpitam hoti paritapitam hoti ujum katam hoti kamaniyam. na so tam aparena samayena usukāro tejanam dvīsu alātesu ātāpeti ujum karoti kammaniyam. tam kissa hetu: yassa hi so bhikkhave, atthaya usukaro tejanam dvīsu alātesu ātāpeyya paritāpeyya ujum kareyya kammaniyam. svāssa attho abhinipphanno hoti. tasmā na aparena samayena usukāro tejanam dvīsu

³³evampissa dukkham - pts.

19

alātesu ātāpeti paritāpeti ujum karoti kammaniyam.

- 61. evameva kho bhikkhave, bhikkhu iti paṭisañcik-khati: 'yathāsukhaṃ kho me viharato akusalā dhammā abhivaḍḍhanti kusalā dhammā parihāyanti. dukkhāya pana me attānaṃ padahato akusalā dhammā parihāyanti kusalā dhammā abhivaḍḍhanti yannūnāhaṃ dukkhāya attānaṃ padahati. tassa dukkhāya attānaṃ padahato akusalā dhammā parihāyanti. kusalā dhammā abhivaḍḍhanti so na aparena samayena dukkhāya attānaṃ padahati. taṃ kissa hetu: yassa hi so bhikkhave, bhikkhu atthāya dukkhāya attānaṃ padaheyya. svāssa attho abhinipphanno hoti. tasmā na aparena samayena dukkhāya attānaṃ padahati. evampi bhikkhave, saphalo upakkamo hoti saphalaṃ padhānaṃ.
- 62. punacaparam bhikkhave, idha tathāgato loke uppajjati araham sammāsambuddho vijjācaraṇasampanno sugato lokavidū anuttaro purisadammasārathi satthā devamanussānam buddho bhagavā. so imam lokam sadevakam samārakam sabrahmakam sassamaṇabrāhmaṇim pajam sadevamanussam sayam abhiññā sacchikatvā pavedeti. so dhammam deseti ādikalyāṇam majjhekalyāṇam pariyosānakalyāṇam sāttham sabyañjanam, kevalaparipuṇṇam parisuddham brahmacariyam pakāseti. tam dhammam suṇāti gahapati vā gahapatiputto vā aññatarasmim vā kule paccājāto, so tam dhammam sutvā tathāgate saddham paṭilabhati. so tena saddhāpatilābhena samannāgato iti patisañ-

cikkhati: 'sambādho gharāvāso rajāpatho abbhokāso pabbajjā, nayidaṃ sukaraṃ agāraṃ ajjhāvasatā ekantaparipuṇṇaṃ ekantaparisuddhaṃ saṅkhalikhitaṃ brahmacariyaṃ carituṃ. yannūnāhaṃ kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajeyya'nti. so aparena samayena appaṃ vā bhogakkhandhaṃ pahāya mahantaṃ vā bhogakkhandhaṃ pahāya mahantaṃ vā nātiparivaṭṭaṃ pahāya mahantaṃ vā nātiparivaṭṭaṃ pahāya kesamassuṃ ohāretvā kāsāyāni vatthāni acchādetvā agārasmā anagāriyaṃ pabbajati.

so evam pabbajito samāno bhikkhūnam sikkhāsājivasamāpanno pānātipātam pahāya pānātipātā pativirato hoti, nihitadando nihitasattho lajjī dayāpanno sabbapānabhūtahitānukampī viharati. adinnādānam pahāya adinnādānā pativirato hoti, dinnādāyī dinnapātikankhī athenena sucibhūtena attanā viharati. abrahmacariyam pahāya brahmacāri hoti ārācārī virato methunā gāmadhammā, musāvādam pahāva musāvādā pațivirato hoti, saccavadi saccasandho theto paccayiko avisamvādako lokassa. pisunam vācam pahāya pisunāya vācāya paţivirato hoti, ito sutvā na amutra akkhātā imesam bhedāya, amutra vā sutvā na imesam akkhātā amūsam bhedāya, iti bhinnānam vā sandhātā sahitānam vā anuppadātā, samaggārāmo samaggarato samagganandī samaggakaranim vācam bhāsitam hoti. pharusam vācam pahāya pharusāya vācāya pativirato hoti, yā sā vācā nelā kannasukhā pemanīyā hadayangamā porī bahujanakantā bahujanamanāpā, tathārūpiṃ vācaṃ bhāsitā hoti. samphappalāpaṃ pahāya samphappalāpā paṭivirato hoti, kālavādī bhūtavādī atthavādī vinayavādī nidhānavatiṃ vācaṃ bhāsitā kālena sāpadesaṃ pariyantavatiṃ atthasaṃhitaṃ.

- so bījagāmabhūtagāmasamārambhā pativirato hoti. ekabhattiko hoti rattūparato virato vikālabhojanā. naccagītavāditavisūkadassanā pativirato hoti. mālāgandhavilepanadhāranamandanavibhūsanatthānā pativirato hoti. uccāsavanamahāsavanā pativirato hoti. jātarūparajatapatiggahanā pativirato hoti. āmakadhaññapaţiggahaṇā paţivirato hoti. āmakamamsapaţiggahanā pativirato hoti. itthikumārikā³⁴ patiggahanā pațivirato hoti. dasidasapatiggahana pativirato hoti. aielakapatiggahanā pativirato hoti, kukkutasūkarapatiggahanā pativirato hoti. hatthigavāssavalavā³⁵ patiggahanā pativirato hoti. khettavatthupatiggahanā pativirato hoti. dūteyyapahinagamanānuyogā pativirato hoti. kayavikkayā pativirato hoti. tulākūtakamsakūtamānakūtā pativirato hoti. ukkotanavancananikatisācivogā pativirato hoti. chedanavadhabandhanaviparāmosaālopasahasākārā paţivirato hoti.
- 65. so santuţţho hoti kāyaparihārikena cīvarena kucchiparihārikena piṇḍapātena. so yena yeneva pakkamati samādāyeva pakkamati seyyathāpi nāma pakkhi sakuņo yena yeneva ḍeti sapattabhārova ḍeti. evameva bhikkhu santuţţho hoti kāyaparihārikena cīva-

³⁴itthikumārika - sīmu,machasam.

³⁵gavāssavalava - sīmu,machasam.

rena kucchiparihārikena piṇḍapātena. so yena yeneva pakkamati samādāyeva pakkamati. so iminā ariyena sīlakkhandhena samannāgato ajjhattam anavajjasukham paṭisaṃvedeti.

so cakkhunā rūpam disvā na nimittaggāhī hoti nānubvañjanaggāhī, vatvādhikaranamenam cakkhundrivam asamvutam viharantam abhijihā domanassā pāpakā akusalā dhammā anvāssaveyyum, tassa samvarāya paţipajjati rakkhati cakkhundriyam cakkhundrive samvaram āpajjati. sotena saddam sutvā na nimittaggāhī hoti nānubyañjanaggāhī, yatvādhikaranamenam sotindriyam asamvutam viharantam abhijjhā domanassā pāpakā akusalā dhammā anvāssaveyyum, tassa samvarāya patipajjati rakkhati sotindriyam sotindriye samvaram āpajjati. ghānena gandham ghāyitvā na nimittaggāhī hoti nānubyañjanaggāhī, yatvādhikaranamenam ghanindriyam asamvutam viharantam abhijihā domanassā pāpakā akusalā dhammā anvāssaveyyum, tassa samvarāya patipajjati rakkhati ghānindriyam ghānindriye samvaram āpajjati. jivhāya rasam sāyitvā na nimittaggāhī hoti nānubyanjanaggāhī, vatvādhikaranamenam jivhindriyam asamvutam viharantam abhijihā domanassā pāpakā akusalā dhammā anvāssaveyyum, tassa samvarāya patipajjati rakkhati jivhindriyam jivhindriye samvaram āpajjati. kāyena photthabbam phusitvā na nimittaggāhī hoti nānubyañjanaggāhī, yatvādhikaranamenam kāyindriyam asamvutam viharantam abhijihā domanassā pāpakā akusalā dhammā anvāssaveyyum, tassa samvarāya pati-

pajjati rakkhati kāyindriyam tāyindriye samvaram āpajjati. manasā dhammam viññāya na nimittaggāhī hoti nānubyañjanaggāhī, yatvādhikaranamenam manindriyam asamvutam viharantam abhijjhādomanassā pāpakā akusalā dhammā anvāssaveyyum. tassa samvarāya patipajjati rakkhati manindriyam manindriye samvaram āpajjati. so iminā ariyena indrivasamvarena samannāgato ajjhattam abyāsekasukham patisamvedeti.

so abhikkante patikkante sampajānakārī hoti ālokite vilokite sampajānakārī hoti. samminjite³⁶ pasārite sampajānakārī hoti. sanghātipattacīvaradhārane sampajānakārī hoti. asite pīte khāyite sāyite sampajānakārī hoti. uccārapassāvakamme sampajānakārī hoti. gate thite nisinne sutte jägarite bhäsite tunhībhāve sampajānakārī hoti. so iminā ca arivena sīlakkhandhena samannāgato imāya ca ariyāya santuţţhiyā samannāgato iminā ca ariyena indriyasamvarena samannāgato iminā ca arivena satisampajaññena samanāgato vivittam senāsanam bhajati araññam rukkhamūlam pabbatam kandaram giriguham susānam vanapattham abbhokāsam palālapuñjam.

so pacchābhattam pindapātapatikkanto nisīdati pallankam ābhujitvā ujum kāyam panidhāya parimukham satim upatthapetvā. so abhijiham loke pahāya vigatābhijjhena cetasā viharati. abhijjhāya cittam parisodheti. byāpādapadosam pahāva abyāpannacitto

³⁶samiñiite - machasam.

viharati sabbapāṇabhūtahitānukampī byāpādapadosā cittaṃ parisodheti. thīnamiddhaṃ pahāya vigatathīnamiddho viharati ālokasaññī sato sampajāno thīnamiddhā cittaṃ parisodheti. uddhaccakukkuccaṃ pahāya anuddhato viharati. ajjhattaṃ vūpasantacitto uddhaccakukkuccā cittaṃ parisodheti. vicikicchaṃ pahāya tiṇṇavicikiccho viharati akathaṅkathī kusalesu dhammesu vicikicchāya cittaṃ parisodheti.

- 69. so ime pañca nīvaraṇe pahāya cetaso upakkilese paññāya dubbalīkaraṇe vivicceva kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamaṃ jhānaṃ upasampajja viharati. evampi bhikkhave, saphalo upakkamo hoti saphalaṃ padhānam.
- **70.** punacaparam bhikkhave, bhikkhu vitakkavicārānam vūpasamā,ajjhattam sampasādanam cetaso ekodibhāvam avitakkam avicāram samādhijam pītisukham dutiyam jhānam upasampajja viharati. evampi bhikkhave, saphalo upakkamo hoti saphalam padhānam.
- 71. punacaparam bhikkhave, bhikkhu pītiyā ca virāgā upekkhako ca viharati sato ca sampajāno, sukhañca kāyena paṭisamvedeti. yam tam ariyā ācikkhanti 'upekkhako satimā sukhavihārī'ti tam tatiyam jhānam upasampajja viharati. evampi bhikkhave saphalo upakkamo hoti saphalam padhānam.

- 72. punacaparam bhikkhave, bhikkhu sukhassa ca pahānā dukkhassa ca pahānā pubbeva somanassadomanassānam atthangamā adukkham asukham upekkhāsatipārisuddhim catuttham jhānam upasampajja viharati. evampi bhikkhave, saphalo upakkamo hoti saphalam padhānam.
- so evam samāhite citte parisuddhe pariyodāte anangane vigatūpakkilese mudubhute kammanīye thite ānenjappatte pubbenivāsānussatinānāva cittam abhininnāmeti. so anekavihitam pubbenivāsam anussarati. seyyathīdam: ekampi jātim dvepi jātiyo tissopi jātiyo catassopi jātiyo pañcapi jātiyo, dasapi jātiyo vīsampi jātiyo timsampi jātiyo cattālīsampi jātiyo paññāsampi jātiyo jātisatampi jātisahassampi jātisatasahassampi, anekepi samvattakappe anekepi vivattakappe anekepi samvattavivattakappe, amutrāsim evamnāmo evamgotto evamvanno evamāhāro evamsukhadukkhapaţisamvedī evamāyupariyanto. so tato cuto amutra udapādim. tatrāpāsim evamnāmo evamgotto evamvanno evamāhāro evamsukhadukkhapatisamvedī evamāyupariyanto so tato cuto idhūpapannoti. iti sākāram sauddesam anekavihitam pubbe nivāsam anussarati. evampi bhikkhave, saphalo upakkamo hoti saphalam padhānam.
- **74.** so evam samāhite citte parisuddhe pariyodāte anaṅgaṇe vigatūpakkilese mudubhute kammaniye ţhite āneñjappatte sattānaṃ cutūpapātañāṇāya cittaṃ abhininnāmeti, so dibbena cakkhunā visuddhena atikkan-

tamānusakena satte passati cavamāne upapajjamāne hine panite suvanne dubbanne sugate duggate yathakammūpage satte pajānāti: 'ime vata bhonto sattā kāya duccaritena samannāgatā vacīduccaritena samannāgatā manoduccaritena samannāgatā ariyānam upavādakā micchāditthikā micchāditthikammasamādānā. te kāyassa bhedā parammaranā apāyam duggatim vinipātam nirayam upapannā. ime vā pana bhonto sattā kāyasucariteta samannāgatā vacīsucaritena samannāgatā manosucaritena samannāgatā ariyānam anupavādakā sammāditthikā sammāditthikammasamādānā. te kāyassa bhedā parammaraņā sugatim saggam lokam upapannā'ti. iti dibbena cakkhunā visuddhena atikkantamānusakena satte passati cavamāne upapajiamāne hīne panīte suvanne dubbanne sugate duggate yathākammūpage satte pajānāti, evampi bhikkhave, saphalo upakkamo hoti saphalam padhānam.

75. so evam samāhite citte parisuddhe pariyodāte anaṅgaṇe vigatūpakkilese mudubhute kammanīye ţhite āneñjappatte āsavānam khayañāṇāya cittam abhininnāmeti. so idam dukkhanti yathābhūtam pajānāti. ayam dukkhasamudayoti yathābhūtam pajānāti. ayam dukkhanirodhoti yathābhūtam pajānāti. ayam dukkhanirodhagāminī paṭipadāti yathābhūtam pajānāti. ime āsavāti yathābhūtam pajānāti. ayam āsavasamudayoti yathābhūtam pajānāti. ayam āsavanirodhoti yathābhūtam pajānāti. ayam āsavanirodhoti yathābhūtam pajānāti. ayam āsavanirodhagāminī paṭipadāti yathābhūtam pajānāti. tassa evam jānato evam passato kāmāsavāpi cittam vimuccati bhavāsavāpi cit-

tam vimuccati. avijjāsavāpi cittam vimuccati. vimuttasmim vimuttamiti ñāṇam hoti. "khīṇā jāti, vusitam brahmacariyam, katam karaṇīyam, nāparam itthattāyā'ti pajānāti. evampi kho³⁷ bhikkhave, saphalo upakkamo hoti saphalam padhānam.

76. evamvādī bhikkhave, tathāgato.³⁸ evamvādim³⁹ bhikkhave tathāgatam40 dasa sahadhammikā pāsamsatthānā āgacchanti: sace bhikkhave, sattā pubbekatahetu sukhadukkham patisamvedenti, addhā bhikkhave tathāgato pubbe sukatakammakārī, yam etarahi evarūpā anāsavā sukhā vedanā vedeti, sace bhikkhave, sattā issaranimmānahetu sukhadukkham patisamvedenti, addhā bhikkhave, tathāgato bhaddakena issarena nimmito, yam etarahi evarūpā anāsavā sukhā vedanā vedeti. sace bhikkhave, sattā sangatibhāvahetu sukhadukkham patisamvedenti, addhā bhikkhave, tathāgato kalyānasangatiko, yam etarahi evarūpā anāsavā sukhā vedanā vedeti. sace bhikkhave, sattā abhijātihetu sukhadukkham patisamvedenti, addhā bhikkhave, tathāgato kalyānābhijātiko, yam etarahi evarūpā anāsavā sukhā vedanā vedeti. sace bhikkhave, sattā ditthadhammūpakkamahetu sukhadukkham patisamvedenti, addhā bhikkhave, tathāgato kalvānaditthadhammūpakkamo, vam etarahi evarūpā sukhā vedanā vedeti.

27

³⁷evaṃ kho -pts.

³⁸tathāgato - sīmu, machasam.

³⁹evam vādīnam - sīmu, machasam.

⁴⁰tathāgatānam - sīmu, machasam.

77. sace bhikkhave, sattā pubbekatahetu sukhadukkham patisamvedenti, pāsamso tathāgato. no ce sattā pubbekatahetu sukhadukkham patisamvedenti, pāsamso tathāgato. sace bhikkhave, sattā issaranimmānahetu sukhadukkham patisamvedenti, pāsamso tathāgato. no ce sattā issaranimmānahetu sukhadukkham patisamvedenti, pāsamso tathāgato. sace bhikkhave, sattā sangatibhāvahetu sukhadukkham patisamvedenti, pāsamso tathāgato.no ce sattā sangatibhāvahetū sukhadukkham patisamvedenti, pāsamso tathāgato. sace bhikkhave, sattā abhijātihetu sukhadukkham paţisamvedenti, pāsamso tathāgato, no ce sattā abhijātihetu sukhadukkham patisamvedenti, pāsamso tathāgato. sace bhikkhave, sattā ditthadhammūpakkamahetu sukhadukkham patisamvedenti, pāsamso tathāgato, no ce sattā ditthadhammupakkamahetu sukhadukkham patisamvedenti, pāsamso tathāgato evamvādi bhikkhave tathāgato. evamvādim bhikkhave, tathāgatam ime dasa sahadhammikā pāsamsatthānā āgacchantīti.

78. idamoca bhagavā, attamanā te bhikkhū bhagavato bhāsitam abhinandunti.